



Vhathusi vha makhulu Mapula vho thanyaho

Lerato Tsotetsi
Magriet Brink





Makhulu Mapula vho sedza khavhishi dzavho nanzhinnzhi dzi re muṅangoni. Vho shuma vhukuma u ṭhogomela ngade yavho.


Zwino ndi tshifhinga tsha uri vha rengise zwiliṅwa zwavho makete.

“Ndi fanela u wana thuso ya u vhala na u paka hedzi khavhishi,” ndi makhulu a tshi humbula.



Jabu, Dineo na Dimpho vha fhira tsini na muḽi wa makhulu vha tshee vho ima muḽangoni. Vha takala vhukuma musi vha tshi vha vhoṇa.

Vha vha humbela vha ri, “Ndi khou humbela uri ni ḽe ni nthuse u paka zwiliṇwa zwanga kha haya mabogisi.”



Vhana vha ambedzana nga ndila ine vha do paka
ngayo khavhishi.

Dineo a ri, "Kha ri vhale na u paka khavhishi nga mbili."
Jabu a ri, "Kha ri vhale na u paka khavhishi nga nna."

Dimpho a ri, "Kha ri vhale na u paka khavhishi nga
tharu."



Vhana vha dzhia phetho ya uri u vhala na u paka khavhishi nga nga ndi yone ndila ya u tshanya ya u paka mabogisi.

Dineo a ri, "Hu do dzhena khavhishi dza fumimbili kha bogisi."

Makhulu vha setshelela vha ri, "No shuma nga u tshanya! Vho Jonas vha do dzhia khavhishi vha tuwa nadzo makete."



Dineo a vhudzisa, “Khavhisi nthihi ndi vhugai?”

Makhulu vha ri, “Ndi a zwi divha uri ni do wana mutengo. Bogisi lithihi ndi R60.

Dineo a ri, “Arali bogisi lithihi li R60 li na khavhisi dza fumimbili, ri tea u kovhekanya furathi nga fumimbili.”



Jabu a ri, “Ndi divha phindulo! Khavhishi nthihi ndi R5.”

Dimpho a fhindula, “Ndi yone?”

Vhathusi vha makhulu vha paka khavhishi dzothe.

Vho Jonas vha takala ngauri vho fhungudzelwa mushumo. Vhari, “Ndi do ita nga ndila dzothe uri dzi a rengiwa dzothe hedzi khavhishi makete.”



Vhana vha dzula fhasi ha muri uri vha awele. Vha vhona makhulu vha tshi khou dzumba tshiñwe tshithu kha aphuroni yavho.

Dineo a vhudzisa, “Ndi mini zwenenzwi?”

Makhulu vha ri, “Ndi malamba a mushumo wa vhoiwe wavhuḽi. Fhedzi ni fanela u kovhelana.”




Vhana vha huwelela nga dakalo. Makhulu Mapula vho vha fha maapula a difhaho.

“A vhonala a a tshi difhelela,” ndi Dineo a tshi muhelela meme dza mulomo wawe.

“Ndi ashu othe?” Dimpho u vhudzisa o mangala.

Makhulu vha ri, “Ee, fhedzi kha ri kovhelane.”



Dimpho a ri, "Kha ri vhale maapuḽa."

Vha vhala maapuḽa nga mavhili.

Dimpho a ri, "Hu na zwigwada zwa malo zwa maapuḽa mavhili, ha sala ḽithihi. O ṽangana ndi a fumisumbe."

Jabu a ri, "Vhuraru hashu ri fanela u kovhelana maapuḽa a fumisumbe."



Vhana vha vhala uri muthihi u ḑo wana maapuḽa maṭanu, nahone ha sala maapuḽa mavhili.

Vho vha vha sa ḑivhi uri vha ḑo kovhelana hani eneo maapuḽa mavhili.

Dimpho a ri, “Ri fanela u tshea maapuḽa mavhili vhukati.”

Jabu a ri, “Ri fanela u tshea maapuḽa mavhili u ri a bve zwipiḑa zwiṇa.”



Dineo a gungula a ri, “Vhuraru hashu ri nga si kone u kovhelana zwipida zwivhili kana zwiṅa.”

“Kha ri fhe Makhulu na Vho Jonas maapula o salaho!” a tshi khou zwi humbula.

“Ee, ngauri makhulu vho zwala khavhishi,” Jabu a tshi tenda.

Dimpho a engedza “Vho Jonas na vhone vho ya vha rengisa khavhishi makete.”



Vho Jonas vho vhuya vho rengisa khavhishi dzothe makete.

Dimpho a fha makhulu Mapula na Vho Jonas maapula mavhili o salaho.

Vhathusi vho thanyaho vho girwa khana.

Vho shumisa zwe vha zwi guda tshikoloni u thusa Makhulu na u kovhelana.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Vhathusi vha makhulu Mapula vho thanyaho

Author/s: Lerato Tsotetsi

Translator/s: Doris Manyamalala

Illustrator/s: Magriet Brink

Assurer/s: Tshedza Tlhako

Language: Tshivenda



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

